

## **EMAS SUMBER ZAKAT HARTA: PENELITIAN TERHADAP PELAKSANAAN KUTIPAN DI MALAYSIA**

**Noraini Saro<sup>\*</sup>, Rawi Nordin**

*Center of Islamic Philanthropy and Social Finance (CIPSF), Universiti Teknologi MARA, KM26, Jalan Lendu, 78000 Alor Gajah Melaka. Email: ainisaro91@gmail.com*

### **ABSTRAK**

Emas sering disinonimkan dengan golongan wanita dan aset ini mempunyai nilai yang begitu berharga serta mendapat perhatian kalangan masyarakat. Sepanjang ketamadunan awal islam, emas merupakan barang yang nilai tinggi selain perak bagi pertukaran iaitu dikenali sebagai sistem barter untuk mendapatkan sesuatu barang lain yang diperlukan.Oleh kerana nilai emas yang tinggi , ia turut ditempa sebagai barang emas perhiasan untuk golongan wanita seperti, cincin,gelang ,rantai dan lain-lain. Pemilikan emas kini menjadi trend dalam kalangan masyarakat yang mana ia emas ini dijadikan aset yang sangat bernilai berbanding membuat simpanan berbentuk mata wang. Oleh kerana ianya berharga dan bernilainya status emas ini maka menjadi satu kewajipan bagi mereka yang memiliki emas dan memenuhi syarat bertanggungjawab melaksanakan kutipan bagi maksud tersebut. Justeru itu,kajian ini akan melihat amalan kutipan zakat emas yang dilaksanakan di institusi zakat Malaysia. Kertas ini berbentuk empirikal di mana ianya akan melihat turun naik bagi jumlah kutipan zakat emas dari tahun ke tahun di institusi-institusi zakat yang terpilih. Kertas ini dapat membantu institusi-institusi zakat meningkatkan dan mengekalkan kutipan zakat emas dari semasa ke semasa.

**Kata Kunci :** Sumber, Institusi, Zakat, Emas dan Kutipan

---

<sup>\*</sup> Corresponding author

## PENGENALAN

Zakat merupakan salah satu instrumen penting dalam sektor ekonomi umat Islam. Ia memainkan peranan utama dalam memastikan kemaslahatan umat Islam terjaga. Oleh itu menjadi tanggungjawab bagi setiap umat orang Islam mengeluarkan zakat apabila telah memenuhi syarat kewajipannya. Salah satu sumber zakat yang ditekankan dalam Islam ialah zakat emas. Ia tergolong dalam zakat harta yang wajib dikeluarkan apabila telah memenuhi syarat sebagaimana dituntut oleh syarak.. Sejarah awal membuktikan emas dan perak adalah logam yang sangat berguna berdasarkan penggunaannya sebagai mata wang serta sebagai nilai harga barang. Secara tidak langsung emas dianggap sumber kedua sebagai kekayaan yang menyuburkan dan telah disyariatkan sebagai wajib zakat sama ada dalam bentuk wang ataupun ketulan yang belum dileburkan. Ini termasuklah dalam bentuk mangkuk, barang seni, patung dan lain-lain.

## PENSYARIATAN ZAKAT EMAS

Dalil kewajiban zakat emas dan perak adalah berdasarkan firman Allah SWT. Dalam Al-qur'an surat At-Taubah ayat 34-35 :

وَالَّذِينَ يَكْنِزُونَ الْدَّهَبَ وَالْفِضَّةَ وَلَا يُنْفِقُونَهَا فِي سَبِيلِ اللَّهِ فَبَشِّرْهُمْ بِعَذَابٍ أَلِيمٍ يَوْمَ يُحْمَى عَلَيْهَا فِي نَارٍ  
جَهَنَّمَ فَأُنْثُرُوا بِهَا جِبَاهُمْ وَجُنُوبُهُمْ وَظُهُورُهُمْ هَذَا مَا كَنْزَتُمْ لِأَنْفُسِكُمْ فَلَوْقُوا مَا كُنْتُمْ تَكْنِزُونَ

“Dan orang-orang yang menyimpan emas dan perak dan tidak menafkahkannya di jalan Allah, maka beritahukanlah kepada mereka (bahawa mereka akan mendapat) siksa yang pedih. Pada hari di panaskan emas perak itu dalam neraka jahanam, lalu di bakar dengannya dahi mereka, lambung dan punggung mereka (lalu dikatakan) kepada mereka : Inilah harta bendamu yang kamu simpan untuk dirimu sendiri, maka rasakanlah sekarang (akibat dari) apa yang kamu simpan itu.” (QS. At Taubah: 34-35).

Sesungguhnya orang-orang yang kafir dan mati sedang mereka tetap dalam kekafirannya, maka tidaklah akan diterima dari seseorang di antara mereka emas sepenuh bumi, walaupun dia menebus diri dengan emas (yang sebanyak) itu. Bagi mereka itulah seksa yang pedih dan sekali-kali mereka tidak memperoleh penolong.

Dari Abu Hurairah, Rasulullah shallallahu ‘alaihi wa sallam bersabda,

مَا مِنْ صَاحِبٍ ذَهَبٍ وَلَا فِضَّةٍ لَا يُؤْدِي مِنْهَا حَقَّهَا إِلَّا كَانَ يَوْمَ الْقِيَامَةِ صُفِّحَتْ لَهُ صَفَائِحُ مِنْ نَارٍ، فَأَحْمَى عَلَيْهَا فِي نَارِ جَهَنَّمَ، فَيُكُوَى بِهَا جَهَنَّمُ وَظَهَرُهُ، كُلَّمَا بَرُدَتْ أُعْيَدَتْ إِلَيْهِ فِي يَوْمٍ كَانَ مِقْدَارُهُ خَمْسِينَ أَلْفَ سَنَةً، فَيَرَى سَبِيلَهُ إِمَّا إِلَى الْجَنَّةِ، وَإِمَّا إِلَى النَّارِ.....

“Tidak seorang pun yang memiliki emas dan perak yang tidak dibayar zakatnya kecuali di hari kiamat nanti dia akan disediakan dengan lembaran atau kepingan (besi) yang diperbuat dari api neraka kemudian dipanaskan di dalam api neraka jahanam seterusnya digosok ke badan,dahi dan punggungnya. Setiap kali kepingan tersebut sejuk, ia akan dipanaskan kembali kemudian digosok lagi kepadanya secara berterusan pada satu masa yang mana tempohnya sama seperti 50 ribu tahun sehingga selesai diputuskan nasib seluruh manusia. Pada waktu itu setiap orang masing-masing dapat melihat nasibnya (jalannya) adakah ia ditempatkan ke syurga atau neraka” (Hadis Riwayat Imam Muslim)

Dari ‘Amr bin Syu’ain, dari ayahnya, dari datuknya, dari Nabi shallallahu ‘alaihi wa sallam, beliau bersabda,

وَلَا فِي أَقْلَى مِنْ عَشْرِينَ مِنْ قَالَ مِنَ الدَّهَبِ شَيْءٌ وَلَا فِي أَقْلَى مِنْ مِائَتَيْ دِرْهَمٍ شَيْءٌ

“Tidak ada zakat jika emas kurang dari 20 mitsqol dan tidak ada zakat jika kurang dari 200 dirham.

## KEPELBAGAIAN ZAKAT EMAS

Terdapat pelbagai jenis kategori emas. Lembaga Zakat Selangor sebagai contoh telah memperincikan kategori emas tersebut Antara lainnya ialah:

### **Emas Simpanan (غَزِّ الْخَلِيل)**

Iaitu emas yang dimiliki bukan untuk tujuan perhiasan sama ada dalam bentuk matawang, jongkong, tempa, barang kemas dan seumpamanya. Ia dikenakan zakat sebanyak 2.5% daripada jumlah yang ada sekiranya kadar yang dimiliki itu sama atau melebihi nisabnya iaitu 85 gram. Ia tidak sama dengan emas perhiasan wanita. Nisab emas yang tidak dipakai ialah sebanyak 85 gram.

### **Emas Perhiasan (الْجَلَّ)**

Bermaksud emas yang digunakan untuk perhiasan badan wanita, perkakasan atau perabot sama ada digunakan sekali-sekala atau berterusan. Emas perhiasan wanita wajib dizakat apabila jumlah beratnya melebihi ‘uruf (adat kebiasaan). Kadar uruf mengikut penetapan negeri-negeri di Malaysia

### **Emas Bercagar**

Ianya bermaksud emas yang digadai adalah milikan sempurna dan wajib dizakatkan setelah ditolak nilai pinjaman dan upah simpan

### **Pelaburan emas tanpa fizikal tidak patuh Syariah; dan**

Pelaburan emas tanpa fizikal tidak patuh Syariah (ditaksirkan zakat simpanan) Pelaburan ini menggunakan nilai harga emas semasa sebagai sandaran pelaburan mereka kerana pihak institusi sebenarnya tidak memiliki emas secara fizikal.

### **Perak**

Bagi logam perak, sama ada dipakai sebagai barang perhiasan ataupun tidak (disimpan sebagai perhiasan di rumah), maka pengiraannya adalah berdasarkan nilai barang perak tersebut. Nisab bagi perak adalah sebanyak 595 gram atau lebih (<http://www.zakatselangor.com.my/jenis-jenis-zakat/zakat-harta/zakat-emas-perak/>)

## **KUTIPAN ZAKAT EMAS BEBERAPA NEGERI DI MALAYSIA**

Penelitian pengkaji terhadap kutipan zakat emas beberapa negeri di pantai barat dan timur Malaysia mendapati secara umumnya terdapat peningkatan yang ketara dari tahun ke tahun berikutnya. Negeri-negeri yang menjadi tumpuan pengkaji ialah Perak, Kedah, Negeri Sembilan, Melaka, Kelantan dan Terengganu. Jadual 1 di bawah adalah berkenaan jumlah kutipan zakat emas bagi negeri-negeri tersebut:

Berdasarkan jadual 1 diatas menunjukkan bahawa zakat emas merupakan sumber pendapatan zakat di Malaysia yang sentiasa subur berkembang dan perolehan dari sumber tersebut sentiasa meningkat. Walaupun nilai emas mengikut perubahan ekonomi semasa,

namun nilai setiap per/gram tetap mempunyai nilai yang mana ia menjadi ukuran bagi pemiliknya demi kepentingan dalam hidup manusia. Kutipan zakat emas diatas jelas menampakkan peningkatan dari tahun ke tahun di setiap negeri.

Jelas disini bahawa perubahan harga nilai emas semasa bukanlah menjadi faktor penghalang bagi umat Islam untuk menunaikan kewajipan terhadapnya yang mana impaknya dapat diperhatikan jumlah kutipan zakat emas dari tahun ke tahun. Jadual di atas menunjukkan hasil kutipan zakat emas dari enam negeri, iaitu, negeri Perak,Wilayah Persekutuan, Melaka, dan juga Kelantan dan Sarawak, yang mana meliputi semua zon di Semenanjung Malaysia.

<b>Tahun/ Negeri</b>	<b>2012</b>	<b>2013</b>	<b>2014</b>	<b>2015</b>	<b>2016</b>	<b>Jumlah</b>
<b>Perak</b>	482,336.13	543,842.48	547,922.38	610,872.82	648,123.78	<b>2,833,097.59</b>
<b>Wilayah Persekutuan</b>	1,473,835.00	1,638,129.00	1,762,536.00	1,797,264.00	1,954,598.00	<b>8,626,362.00</b>
<b>Melaka</b>	325,653.25	394,980.96	328,871.86	486,136.25	498,102.00	<b>2,033,744.32</b>
<b>Kelantan</b>	396,123.39	499,097.63	526,676.54	642,342.29	641,096.14	<b>2,940,050.55</b>
<b>Sarawak</b>	145,811.31	144,142.48	186,320.27	138,426.66	230,056.51	<b>844,757.23</b>

Jadual 1: Jumlah Kutipan Zakat Emas





Diagram 1: Kutipan Zakat Emas 2012-2-16

### Jumlah Keseluruhan Kutipan Zakat Emas 2013-2016

Jumlah kutipan zakat emas untuk tempoh masa 5 tahun bagi negeri-negeri yang dinyatakan dapat digambar mengikut jadual 2 di bawah. Jadual 2 menunjukkan, bahawa kutipan zakat emas tertinggi bagi lima tahun ialah Wilayah Persekutuan mewakili zon tengah yang berjumlah,RM 8,626,362.00 .Seterusnya yang kedua tertinggi ialah negeri Kelantan mewakili zon Pantai Timur yang berjumlah RM 2,940,050.55 juta. Manakala ketiga ialah negeri Perak mewakili zon Utara,dengan jumlah kutipan sebanyak RM2,833,097.59, dan di ikuti dengan negeri Melaka mewakili zon Selatan kutipan sebanyak RM2,033,744.32, dan di akhiri dengan negeri Sarawak sebanyak RM844,757.23. Sebagaimana yang diketahui, zakat emas terbahagi kepada dua ,iaitu zakat emas simpanan dan juga zakat emas perhiasan,yang mana terdapat perbezaan kaedah pengiraan bagi kedua-duanya. Bagi zakat emas perhiasan kadar zakat ditentukan dengan pemakaian uruf

mengikut ketetapan di negeri-negeri. Bagi kelima-lima negeri di atas , hanya negeri Kelantan sahaja yang tiada pemakaian uruf sebagai penentu kadar kenaan zakat emas perhiasan ,kenaan zakat hanya dikenakan setelah mencapai 85 gram ,iaitu cukup nisab maka wajib mengeluarkan zakat keatas emas tersebut.

Jadual 2: Kutipan Zakat Emas 2013-2016



### Kesimpulan

Zakat merupakan salah instrument penting dalam menjana ekonomi negara disamping memperolehi nikmat keberkatan dari Allah SWT. Syarak telah menetapkan agar emas yang tidak digunakan dan disimpan, wajib dikeluarkan zakat mengikut garis panduan yang ditetapkan, sementara emas yang diguna sebagai perhiasan wanita wajib dikeluarkan zakat sekira beratnya melebihi adat pemakaian setempat (uruf). Selain itu, emas juga merupakan lambang kekayaan manusia, malah satu perkara yang menarik mengenai emas ialah ianya wujud di dalam syurga. Sebagaimana yang telah dijelaskan dalam Al-Quran surah Al-Hajj menyebut emas adalah simbol kejayaan dan kemewahan penduduk syurga. Mereka akan dipakaikan dengan gelang-gelang emas dan mutiara dan pakaian mereka diperbuat daripada sutera.

“Sesungguhnya Allah akan memasukkan orang-orang yang beriman dan beramal soleh ke dalam syurga yang mengalir padanya beberapa sungai; mereka dihiaskan di situ dengan gelang-gelang emas dan mutiara, dan pakaian mereka di situ dari sutera” (Surah Al-Hajj: 23)

Jelas disini, Allah SWT telah mengangkat martabat emas sebagai barang yang berharga, bukan sekadar di dunia, malah di akhirat juga. Secara tidak langsung emas merupakan sumber utama dalam pendapatan zakat di Malaysia.

### **Penghargaan**

Setinggi penghargaan diberikan kepada pihak yang terlibat secara langsung dalam merealisasikan kertas kerja ini sama ada dalam bentuk dana penyelidikan mahupun sumbangan kepakaran antaranya adalah Skim Geran Penyelidikan Fundamental (FRGS) Universiti Teknologi Mara (Alor Gajah) 600-RMI/FRGS 5/3 (33/2015) *Profil Urut Dalam Nisab Zakat Emas Perhiasan di Malaysia*

### **Rujukan**

Al-Quran

Hasan Bahrom (2011). Zakat Emas Dan Perak. Fiqh Zakat Malaysia, Institut Kajian Zakat (IKaZ), Pusat Penerbitan Universiti (UPENA), 121 – 131.

<http://www.zakatselangor.com.my/jenis-jenis-zakat/zakat-harta/zakat-emas-perak/>

HR. Muslim no. 987

HR. Ad Daruquthni 2: 93. Syaikh Al Albani, hadits sahih : Al Irwa' no. 815.

Kaji Selidik FRGS ,2017 UiTM Melaka